

Script of Evening Gojri News Bulletin 01 October 2024 at 1700 Hrs

ایوننگ گو جری نیوز بلیٹن مو رخہ 01 اکتوبر 2024

یوہ آکا شوانی جموں بے محمد امین انجم تے باغ علی طاہرتیں خبر سُنو۔ پہلاں خاص
خاص خبر۔

- *1- جموں کشمیر گا 40 اسمبلی حلقاں واسطے پُر امن طریقہ سنگ ووٹ پایا جان غو سلسلو جاری بے تے پیشی 3 بجے توڑی 56 فیصدی پولیننگ ریکارڈ کی گئی ہے۔
- *2- وال مکی تے گو رکھا برادری غا لوک جموں کشمیر غا اسمبلی چناواں واسطے پہلی وری اپنا حق رائے دیہی غو استعمال کر رہیا ہیں۔
- *3- وزیر اعظم نریندر مو دی تے جمائیکا غا وزیر اعظم اینڈریو بولنس غے بشکار وفود سطح غی گل بات ہوئی ہے۔
- *4- تے فوج گا سربراہ غو کہنو بے جے اصل قبضہ لائین ور چین سنگ حالات مستحکم ور معمول غے مطابق ہیں۔

خبران غی تفصیل نال پہلا محمد امین انجم۔

JK Voter Turnout

جموں کشمیر مانہ بعد دوپہر 3 بجے تک 56 عشاریہ صفر 1 فیصد ووٹینگ ہو گئی تھی۔ آکاشوانی جموں غا نمائندہ نے رپورٹ ٹوری بے جے ووٹراں غی لمی لمی قطار اپنی با ری غو انتظار کر تی دیکھی گئیں۔ اس سلسلہ مانہ 40 اسمبلی حلقاں مانہ ووٹ پان غی کا روانی سویرے 7 بجے شروع ہوئی۔ اس ضمن مانہ حفاظت غا تگڑا انتظام کیا گیا ہیں۔ جن ضلعاں غے اندر ووٹ پایا جا رہیا ہیں اُن مانہ جموں، کٹھوعہ، سانہ تے ادھم پور جموں خطہ غا جد کہ کپواڑہ، با رہمولہ تے بانڈی پورہ کشمیر ڈویژن نال تعلق رکھیں۔ جموں ضلع گا چھمب اسمبلی حلقہ مانہ سب تیں متا ووٹ پایا جان غی رپورٹ ہے۔ جت 68 عشاریہ 3/3 فیصد لوکاں نے اپنا ووٹ غا حق غو استعمال کیو۔

Valmiki Voter

جموں کشمیر اسمبلی چناواں مانہ پہلی بار ووٹ پاغے وال مکی تے گو رکھا برادری نے بڑی متی خوشی محسوس کی۔ ان طبقاں نے مغربی پاکستانی رفیوجیاں غے ہمراہ دفعہ 370 تے 35 اے بٹن تیں بعد ووٹ پان واسطے اہلیت حاصل کی تھی۔ وال مکی کالونی گاندھی نگر جموں تے گو رکھا بستی جہیڑی بابو فورٹ مانہ بابو حلقہ غے اندر آوے مانہ پہلی بار ووٹ پان آلاں غی لمی لمی قطار دیکھی گئیں۔ پچھلا 67 بہراں مانہ ایسو پہلی بار ہووے جے وال مکی سماج تے گو رکھا برادری نے ووٹ غا حق غو استعمال کرن غو حق حاصل کیو۔ دستیاب عدادو شمار غے مطابق وال مکی گنباں غا 6 ہزار 5 سو افراد جد کہ گو رکھا برادری گا تقریباً 9 سو گنباں جموں مانہ ووٹ پان غا اہل ہیں۔ جہیڑا جے چناؤ مانہ فیصلہ کن کردار ادا کر رہیا ہیں۔ پچھلا چناؤ مانہ ان طبقاں کول ڈومیسائیل نہ ہون غی وجہ نال اُنہاں نانہ بکھ بکھ موقعان تیں پابر کر دتو گیو تھو۔ اس سلسلہ مانہ گارو بھٹی صدر وال مکی برادری نے اس طرح کہیو۔۔۔باٹ۔۔۔

Women Candidates

جموں کشمیر مانہ اسمبلی چناؤں گا تیجا تے حتمی مرحلہ مانہ 28 کالسری امیدوار چناؤ لڑ رہی ہیں۔ تفصیلات غے مطابق 14 کالسریں کشمیر ڈویژن جد کہ 14 بی جموں خطہ تیں چناؤ میدان مانہ اتری ہیں۔ جموں خطہ مانہ جہیڑی خواتین امیدوار چناؤ لڑ رہی ہیں ان مانہ رام نگر ایس سی حلقہ تیں نیشنل پنٹھر س پا رٹی غی، اشری دیوی، بنی تیں کانگریس پا رٹی غی امید وار کا جل تے کٹھوعہ ایس سی تیں آزاد امید وار خوشبو بھگت وی شامل ہیں۔ اس سلسلہ مانہ باقی امید واراں مانہ نیشنل ڈیمو کریٹک پا رٹی غی جموں شمال تیں امید وار سنیٹا ٹرکی، سچیت گڑھ تیں آزاد امید وار آشا دیوی، آر ایس پورہ جموں جنوب تیں اپنی پارٹی غی پونیت کور، نیشنل عوامی یونائیٹڈ غی سانہ تیں امید وار پنکی دیوی، چینی تیں سماج وادی پارٹی غی گیتا منہاس، آزاد امید وار ڈاکٹر پریتی کماری وغیرہ شامل ہیں۔

Voting Prominent

جموں کشمیر اسمبلی چناؤ 2024 غا سلسلہ مانہ تیجا تے حتمی مرحلہ غا ووٹ پایا جا رہیا ہیں۔ اس سلسلہ مانہ کنیں نامور افراد نے ووٹ پایا۔ جن مانہ ادھم پور کٹھوعہ لوک سبھا سیٹ تیں رکن پارلیمان تے مرکزی وزیر ڈاکٹر جتندر سنگھ نے باہو حلقہ غا ترکوٹہ نگر مانہ ووٹ پایو۔ وزیر موصوف غے ہمراہ ان غی ٹبری تے پوت وی تھو۔ اس موقعہ و ر ڈاکٹر سنگھ نے کہیو جے جموں کشمیر مانہ اسمبلی چناؤ غے دوران لوکاں گو جوش وزیر اعظم مودی غی کامیابی غی عکاسی کرے۔ انہاں نے سابق سرکاراں خاص کر نیشنل کانفرنس تے کانگریس ور الزام لایو جے انہاں نے دفعہ 370 گو غلط استعمال کر غے مغربی پاکستانی رفیوجیاں والی مکی سماج اور گورکھا برادری مانہ شہریت اور ووٹ غا حق تیں محروم رکھیو۔ اسے طرح سابق وزیر اعلیٰ تے ڈیموکریٹک آزاد پارٹی کا چیرمین غلام نبی آزاد نے وی جموں مانہ ووٹ پایو۔ بی جے پی غا جموں شمال تیں امید وار شام لال شرما نے وی ووٹ پایو انہاں نے اس طرح کہیو۔۔۔ بانٹ۔۔۔ جموں مشرق تیں کانگریس امید وار یوگیش سہانی نے وی ووٹ پایو ہے۔ انہاں نے کہیو۔۔۔ بانٹ۔۔۔

PM Modi

بھارت تے جمائیکا نے اج ڈیجیٹل ڈھانچہ، ثقافتی تبادلہ تے کھیڈاں غا شعبہ مانہ تعاون ور مبنی مفاہمت ناماں ور دستخط کیا ہیں۔ ان مفاہمت ناماں ور دستخط وزیر اعظم نریندر مودی تے ان کا جمائیکن ہم منصب ڈاکٹر انڈریو بولنیس بشکار وفود سطح غی گل بات غے بعد کیا گیا۔ اس سانجھی پریس کانفرنس غے دوران وزیر اعظم مودی نے کہیو جے وزیر اعظم ڈاکٹر بولنس غا دورہ مانہ بھارت بڑی اہمیت دے۔ کیونجے وے پہلی وری بھارت غا دورہ ور آیا ہیں۔ وزیر اعظم نے کہیو جے دوہاں ملکاں بشکار تعلقات تاریخ جمہوری اقدار تے مضبوط افراد تعلقات ور مبنی ہیں۔ تے بھارت ڈیجیٹل عوامی ڈھانچہ، لوہکی صنعتاں، پایو فیول، جدید کاری، صحت، تعلیم تے ذراعت غا شعباں مانہ جمائیکا سنگ اپنا تجربہ سانجہ کرن واسطے تیار ہے۔ ان گو کہنوتھو جے بھارت جمائیکا سنگ غا دفاعی شعبہ مانہ تربیت مہیا کران غا سلسلہ مانہ وی اگے بدھ سکے۔ وزیر اعظم مودی گو کہنوتھو جے بھارت سرکار نے فیصلو کیو ہے جے نویں دہلی مانہ جمائیکا غا بانی کمیشن غے سامنے سڑک غو ناں جمائیکا مارگ رکھیو جائے۔ انہاں نے کہیو جے بھارت اور جمائیکا دوہاں ملکاں بشکار موجود اک وسیع سمندر غی وجہ

نال علیحدہ ہو سکیں ور مہارا لوک مہاری ثقافت تے تاریخ اک دوجا نانہہ جوڑن غو کردارادا کریں۔

RBI

بھارتی ریزرو بینک نے بینک غا ادھار بارے سیکٹورل ڈپلای منٹ گا سلسلہ غا ماہانہ عدووشمار جاری کیا ہیں۔ کل جاری عدووشمار تین ظاہر وے جے ذراعت تے اس سنگ جڑیں سرگرمیاں واسطے ادھار مانہہ باہدو مضبوطی نال جاری رہیو۔ اس ضمن مانہہ پچھلے سال غا اسے وقت غا مقابلہ مانہہ اس سال غا اگست مہینہ مانہہ یوہ اضافو 17 عشاریہ 7 فیصد درج کیو گیو۔

یہ خبر تم آکاشوانی جموں تیں سن رہیا ہیں خبراں غا باقی حصہ نال محمد امین انجم۔

Army Chief

فوج غا سربراہ اوپندرا دوی ویدی نے کہیو ہے جے اصل قبضہ لکیر ور چین سنگ حالات مستحکم ور معمول غے مطابق نہیں ہے۔ اج نوی دہلی مانہہ چنکیا دفاعی مذاکرات غا موضوع ور منعقدہ اک تقریب مانہہ بولتاں واں فوج غا سربراہ غو کہنوتھو جے بھارت اپریل سال 2020 تیں پہلاں غی حالت بحال کرن غو خواہشمند ہے۔ اُن غو کہنو تھو جے یاہ بحالی زمینی قبضہ، بفرزون تے گشت غی سطح غی ہونی چاہیے۔ جنرل اپندرہ دوی ویدی نے کہیو جے جد توڑی اس حالت ور بحالی نہیں ہو جاتی تد توڑی صورتحال لگارتار حساس نوعیت غی بنی رہ گی۔ تے بھارت کسے وی صورتحال سنگ نمڑن واسطے تیار رہ گی۔ اس موقعہ ور بولتاں واں انہاں نے کہیو۔۔۔ بانٹ۔۔۔

Woman DG

سرجن وائس ایڈمیرل آرتی سرن اج طبی خدمات بارے مسلح افواج غی پہلی خاتون ڈائریکٹر جنرل بن گئی ہیں۔ وزارت دفاع نے اس بارے جانکاری دیتاں واں دسیو ہے جے مسلح افواج غی طبی خدمات بارے ڈائریکٹر جنرل مسلح افواج بارے تمام تر طبی پالیسی معاملن غے متعلق وزارت دفاع نانہہ جواب دہ وے۔ اُن نانہہ 46 واں ڈی جی اے ایف ایم ایس غا عہدہ ور فائز کرن تیں پہلاں فلیگ افسر غی طرفوں ڈی جی طبی خدمات بحریہ ڈی جی میڈیکل سروسز میڈیکل کالج اے ایف ایم سی پونے غا عہداں ور افسران فائز کیو گیو۔ اے ایف ایم سی پونے غی طالبہ رہ چکی ہیں۔ جن نانہہ سال 1985 مانہہ مسلح افواج غی میڈیکل خدمات مانہہ شامل کیو گیو تھو۔

DEO Poonch

ضلع چنآؤ افسر پونچھ وکاس کُنڈل نے کل لڑکیاں گا ہائر سکینڈری اسکول پونچھ مانہہ سٹرانگ روم غو وسیع معائنو کیو۔ یاہ کا روئی 8 اکتوبر نانہہ ووٹاں غی گنتری غا نقشہ کار غے مد نظر حفاظتی انتظامات نانہہ دھیان مانہہ رکھتاں واں کی گئی ہے۔ جائزہ غو مقصد چنآؤ کا روئی مکمل طور ور یقینی بنانو ہے تے اس طرح سی سی ٹی وی کیمران غی فعالیت ڈیجیٹل بنیا دی ڈھانچہ اور دوجا متعلقہ حفاظتی انتظامات غو جائزو لیو گیو۔

Rahul Sonam

لوک سبھا مانہہ حذب اختلاف غا لیڈر راہل گاندھی نے ماحولیاتی کا رکن سونم وانگچک تے دوجا لداخی کا رکنان غی گرفتار نانہہ نا قابل قبول قرار دتو ہے۔ اُن غو کہنوتھو جے وزیر اعظم مو دی نانہہ لداخ غی آواز سُننی ویگی۔ وانگچک سمیت لداخ غا کو نے 120 افراد نانہہ قومی راجدھانی غی سرحد ور دہلی پولیس نے اُس ویلے گرفتار کر ليو تھو جد وے لداخ یوٹی نانہہ چھیواں شیڈیول مانہہ شامل کیا جان غو مطالبو کرتاں واں قومی راجدھانی در مارچ کر رہیا تھا۔ راہل گاندھی نے ایکس ور کی گئی اک پوسٹ مانہہ کہیو ہے جے آنینی حقوق غی خاطر مارچ کر رہیا سونم وانگچک تے سینکڑاں دوجا ماحولیاتی کا رکنان غی گرفتار ناقابل قبول ہے۔ سابق کانگریس سربراہ نے پچھیو ہے جے دہلی غی سرحد ور لداخ غا مستقبل واسطے مطالبات پیش کرن آلا بزرگ شہریاں نانہہ کیوں گرفتار کیو جا رہیو ہے۔ اپنی گرفتاری تیں گجھ ہی چر پہلاں انسٹاگرام غی اک پوسٹ ور وانگچک نے دہلی غی سرحد ور لی گئیں تصاویر سانجھی کی تھیں۔ جت اُن غی بساں نانہہ پولیس غی بڑی نفری نے روک ليو تھو۔ ان تصویراں مانہہ لداخی ماحولیاتی کا رکنان نانہہ پولیس سنگ گل بات کرتاں دیکھیو جا سکے۔

Haryana Campaigning

ہریانہ مانہہ آخری تے تیجا مرحلہ گا چناواں واسطے مہم مانہہ تیزی آگئی ہے۔ اس مرحلہ غے تحت آئندہ 5 اکتوبر نانہہ ووٹ پایا جائیں گا۔ بکھ بکھ سیا سی جماعتاں غی طرفوں ووٹراں نانہہ راغب کرن غی خاطر ریلیاں تے روڈ شوز غو اہتمام کیو جا رہیو ہے۔ ہریانہ تے جموں کشمیر غا اسمبلی چناواں گی گنتی آئندہ 8 اکتوبر نانہہ ویگی۔

West Ashi

مغربی ایشیا مانہہ تناؤ مانہہ مزید بابدو ہو گیو ہے۔ تے ہن اسرائیل نے جنوبی لبنان ور زمینی حملہ شروع کر دتا ہے۔ اسرائیلی فوج آئی ڈی ایف نے لبنان غی سرحد غے نیڑے حذب اللہ غے خلاف محدود نشاناں ور حملہ شروع کیا ہے۔ انہاں نے یہ حملہ شمالی اسرائیل نانہہ فوری خطرہ غوحوالو دیتاں واں شروع کیا۔ اس راہ حذب اللہ تے اسرائیلی فوج بشکار کئی محاذاں ور لڑائی مانہہ تیزی آگئی ہے۔ اسرائیل نے اس توں علا وہ جنوبی لبنان غا کئی مقامات ور ہوائی حملان مانہہ وی اضافو کر دتو ہے۔ اسرائیل نے سرحدی علاقان غی آبا دی نانہہ علاقو خالی کرن غو وی حکم دتو ہے۔

اس غے نال ہی خبراں غو یوہ بلیٹن ختم ہوؤ۔